



FORCA JONË

* * * Viti VII • Nr. 71 • 8 Gusht 2018 • Ministria për Forcën e Sigurisë të Republikës të Kosovës * * *

Ministri Rustem Berisha merr pjesë në konferencën e ministrave të mbrojtjes “SHBA-Karta e Adriatikut-A5” në Kroaci



pjesë në punimet e konferencës speciale “SHBA-Karta e Adriatikut A-5”, që po mbahet në Zagreb të Kroacisë.

Në këtë konferencë po merr pjesë sekretari i mbrojtjes i SHBA-ve, James Mattis, ministri i mbrojtjes të Kroacisë, Shqipërisë, Kosovës, Malit të Zi, Maqedonisë, Sllovenisë dhe Bosnjës dhe Hercegovinës. Qëllimi i mbajtjes së konferencës „SHBA-Karta e Adriatikut A5” është integrimi regional, ballafaqimi me ndikimet e akterëve të jashtëm dhe ndarja e përgjegjësiave dhe barrës. Delegacioni i Kosovës, me këtë rast e ka njoftuar sekretarin e mbrojtjes të SHBA-ve, James Mattis dhe të gjithë ministrat e mbrojtjes të regjionit, për të arriturat e FSK-së, ngritjen e kapaciteteve dhe

avancimin në aspektin profesional. Në këtë konferencë u kërkuar që Kosova të jetë anëtare me të gjitha të drejtat e plota, si dhe Kosova ka ofruar gatishmërinë për të kontribuar në misionet jashtë vendit. Gjithashtu me theks të veçantë u bisedua edhe

tema e transformimit të FSK-së, në forca të armatosura, si kontribuues e sigurisë në regjion dhe në botë përkrah partnereve tanë të sigurisë.

Nga të gjithë të pranishmit u kërkuar, që i gjithë regjioni duhet të jetë bashkëpunues në ballafaqimin me

kërcënimet bashkëkohore dhe të punojmë së bashku në ngritjen e kapaciteteve të përbashkëta. Në veçanti u theksua që A5, duhet të zgjerohet edhe me shtete tjera të regjionit, duke e përfshirë edhe Kosovën si anëtare me të drejta të plota.

Gjatë konferencës ministri i FSK-së, Rustem Berisha takoi sekretarin e mbrojtjes të SHBA-ve James Mattis, po ashtu pati takime bilaterale edhe me ministrat e mbrojtjes të Kroacisë, Maqedonisë dhe Malit të Zi, ku u konfirmua shkallë e lartë e bashkëpunimit në mes të ministrave përkatëse. Konferenca speciale „SHBA-Karta e Adriatikut A5”, pritet që sot t'i përfundojë punimet.



Komandanti i FSK-së, gjeneralletenant Rrahman Rama qëndroi për vizitë zyrtare në Turqi



Komandanti i Forcës së Sigurisë të Kosovës (FSK), gjeneralletenant Rrahman Rama,

me ftesë të komandantit të Forcave të Armatosura të Republikës së Turqisë, gjeneralit Hulusi Akar, nga data

01-05 korrik 2018, qëndroi për vizitë zyrtare në Turqi. Komandanti i FSK-së, gjeneral Rama është pritur nga komandanti i Forcave të Armatosura të Turqisë, gjenerali Hulusi Akar, ku të dy gjeneralët gjatë takimit kanë biseduar për bashkëpunimin e deritashëm si dhe për mundësinë e rritjes së këtij bashkëpunimi në të ardhmen edhe në fushat tjera, si: shkollimit, edukimit dhe stërvitjeve, e që janë me interes të përbashkët.

Me këtë rast, komandanti i FSK-së, gjeneral Rama, pasi e ka falënderuar komandantin e Forcave të Armatosura të Turqisë, gjeneralin Akar, për mbështetjen e vazhdueshme të Ushtrisë

së Turqisë në trajnimin dhe avancimin e FSK-së, si një forcë kredibile, gjithëpërfshirëse dhe të gatshme, si dhe për shkollimin e kadetëve në akademitë dhe shkollat ushtarake të Turqisë, e ka njoftuar edhe me të arriturat e përgjithshme të FSK-së, si; shkollimet, trajnimet dhe bashkëpunimin rajonal dhe atë ndërkombëtar. Komandanti i FSK-së, gjatë qëndrimit në Turqi, realizoi vizitë zyrtare edhe në Universitetin e Mbrojtjes së Turqisë, ku është pritur nga stafi i lartë i këtij institucioni ushtarak.

Gjenerali Rrahman Rama ka biseduar me udhëheqësit e Universitetit të Mbrojtjes

për mundësinë e shkollimit dhe edukimit të pjesëtarëve të FSK-së, në këtë institucion ushtarak në të ardhmen, ku një numër i madh i pjesëtarëve të FSK-së, kanë diplomuar në këtë institucion ushtarak. Gjatë takimit u tha se bashkëpunimi i FSK-së me Forcat e Armatosura të Turqisë është shumë i mirë dhe ky bashkëpunim do të vazhdojë edhe në të ardhmen duke përfshirë edhe fushat tjera që janë me interes të përgjithshëm për të dyja palët. Komandanti i FSK-së, gjenerali Rrahman Rama, sot pritet ta përfundojë vizitën zyrtare në Republikën e Turqisë.

FSK-ja pajiset me automjete taktike amerikane „Hamvi”

Në Ministrinë për Forcën e Sigurisë të Kosovës, në një ceremoni rasti, kryeministri i Republikës së Kosovës, z. Ramush Haradinaj dhe ambasadori i SHBA-ve, z. Greg Delavie, më 17.07.2018, nënshkruan aktin final të kontratës për furnizim me automjete shumë funksionale ushtarake me lëvizshmëri të lartë (HMMWV) nga Qeveria e Republikës së Kosovës

me kompaninë amerikane „AM General” për furnizim të Forcës së Sigurisë të Kosovës. Me këtë rast, kryeministri Haradinaj, duke falënderuar Shtetet e Bashkuara të Amerikës, theksoi se Forca e Sigurisë së Kosovës është një trupë profesionale, gjithëpërfshirëse dhe është shembulli më i mirë i ecjes së përbashkët të Kosovës me SHBA-të dhe NATO-n:

vazhdon në faqen pesë



Deklaratë për media e ministrit Rustem Berisha

FSK-ja ka qenë, është dhe do të jetë e hapur për të gjitha komunitetet që jetojnë në Kosovë



Forca e Sigurisë së Kosovës, ditëve të fundit është duke u përballur me dukurinë e kërkesave për largim nga FSK-ja të disa pjesëtarëve të komunitetit jo shumicë serb. Sipas vlerësimeve të MFSK, këto kërkesa për largim vijnë si pasojë e sulmeve të qëllimshme që i janë bërë FSK-së, përkatësisht pjesëtarëve të komunitetit serb dhe janë tentim për të dëmtuar arritjet dhe zhvillimin e FSK-së si dhe imazhin e saj si institucioni më i besueshëm në vend për vite me radhë. Ne ndjejmë keqardhje për pjesëtarët tanë të cilët nuk janë lejuar të vendosin lirshëm për vazhdimin e karrierës profesionale, të

ardhmes së tyre, duke ndikuar negativisht direkt në mirëqenien e tyre dhe të familjeve të tyre.

Pjesëtarët e FSK-së nga komuniteti serb kanë qenë shumë mirë të integruar në nivel të përgjegjësisë dhe detyrave të tyre, prandaj shantazhet dhe kërcënimet e bëra janë të papranueshme, janë shkelje e të drejtave themelore të njeriut. Diversiteti etnik dhe profesionalizmi i Forcës së Sigurisë së Kosovës, është një vlerë që është e njohur dhe e pranueshme nga miqtë tanë ndërkombëtar dhe shtetet anëtare të NATO-s, dhe kjo vlerë është duke ju penguar atyre që nuk ja dojnë të mirën Kosovës dhe qytetarëve

të saj, pavarësisht se cilit komunitet i takojnë. FSK, do të vazhdojë në përmbushje të misionit dhe zhvillimit të mëtejshëm të kapaciteteve operacionale si dhe angazhimin për përfundimin e tranzicionit në Forca të Armatosura të Kosovës (FAK), si forcë moderne mbrojtëse për Kosovën dhe popullin e saj pa asnjë dallim.

Rruga e Kosovës dhe e Forcës së Sigurisë së Kosovës, nuk do të ndalet. FSK-ja ka qenë, është dhe do të jetë e hapur për të gjitha komunitet që jetojnë në Kosovë dhe gjithherë do të jetë në shërbim të qytetarëve të saj.

Gatishmëri e dyanshme për thellimin e bashkëpunimit ndërmjet MFSK-së dhe MM të Irlandës



Sot, (10.07.2018) ministri i Ministrisë për Forcën e Sigurisë së Kosovës (MFSK), Rustem Berisha priti ministrin e Mbrojtjes të Republikës së Irlandës, z. Paul Kehoe. Në takimin e përbashkët në mes të dy delegacioneve, ministri Berisha së bashku me ministrin e Republikës së Irlandës, zotin Kehoe biseduan për bashkëpunimin e dyanshëm në mes të Kosovës dhe Republikës së Irlandës, MFSK-së dhe Ministrisë së Mbrojtjes të Irlandës si dhe për zhvillimet në fushën e sigurisë në Kosovë, rajon dhe më gjerë. Ministri Berisha, ka falënderuar ministrin e Irlandës Paul Kehoe për bashkëpunimin e deri tashëm dhe për ndihmën që Irlanda ka dhënë dhe po jep për Kosovën, duke e njoftuar me zhvillimet e përgjithshme në Ministri dhe në Forcën e Sigurisë së Kosovës. Pas takimit të dy ministrat dhanë nga një deklaratë për media.

Ministri Rustem Berisha në fjalën e tij ndër të tjera tha: „Patëm nderin dhe kënaqësinë që ta presim ministrin e Mbrojtjes të Republikës së Irlandës, z. Paul Kehoe të cilin e njoftuam në pika të shkurta me të arriturat e FSK-së, me progresin e FSK-së,

sidomos me integrimin e komuniteteve jo shumicë, pjesëmarrjen e gjinisë femërore në strukturat e FSK-së, me objektivat dhe synimet tona si dhe me procesin e transformimit të FSK-së në FAK. Në të njëjtën kohë e falënderuam ministrin e mbrojtjes Kehoe, për mbështetjen dhe për përkrahjen që na kanë dhënë në rrugëtimin tonë drejt lirisë dhe sidomos pas luftës, e që vazhdojnë të japin edhe tani në kuadër të KFOR-it. Gjithashtu e falënderuam ministrin për faktin që Irlanda ka qenë ndër të parët që e ka njohur pavarësinë Kosovës.

Biseduam edhe për avancimin e bashkëpunimit të dy ministrive në fushën e sigurisë dhe për modelet e bashkëpunimit, dhe se shumë shpejtë do ta nënshkruajmë memorandumin e bashkëpunimit në mes të dy ministrive në fushën e sigurisë”.

Ndërsa, ministri i Republikës së Irlandës Paul Kehoe falënderoi ministrin Berisha për pritjen e përzemërt dhe para mediave ndër të tjera deklaroi: „Jam i nderuar që jemi siç e përmendi ministri Berisha, ndër vendet e para që kemi njohur Pavarësinë e Kosovës. Është vizita e ime e parë në Kosovë, qëllimi

i saj ishte vizita e pjesëtarëve të KFOR-it Irlandez, gjithashtu kam nderin që të jem këtu në mesin e juaj. Me ministrin biseduam për çështje të ndryshme siç është liberalizimi i vizave, integrimi në Bashkimin Evropian, në Kombet e Bashkuara etj. Ne do të ju afrojmë ndihmën tonë të pakursyer në këto procese, dhe do të jemi gjithmonë pranë jush posa t'i plotësoni kërkesat relevante.

Gjatë rrugëtimit e pashë që Kosova ka një të ardhme të ndritshme bazuar në progresin e bërë. Me ministrin biseduam edhe për avancimin e bashkëpunimit, veçanërisht në përgatitjen e memorandumit të bashkëpunimit ndërmjet dy ministrive”. Në takim të pranishëm ishin edhe Shkëlzen Syla, sekretar i Përgjithshëm në MFSK, Jashar Ramadani shef i Kabinetit të Ministrit, majori Hisen Berisha këshilltar ushtarak i Ministrit, Zoja Lleshi-Berisha këshilltare politike e Ministrit, Ilir Murtezi këshilltar politik i Ministrit, Sinan Geci nga Departamenti për Bashkëpunim dhe Siguri, Ibrahim Shala Departamenti për Marrëdhënie me Publikun kurse nga delegacioni i Ministrisë së Mbrojtjes të Irlandës, ministrin e shoqëronin; Pat Kelly ambasadori i Irlandës, Maurice Quinn sekretar i Përgjithshëm, John Coughlan këshilltar i Ministrit, znj. Cliona O'Sullivan sekretare private e Ministrit, zv.admiral Mark Mellett shef i stafit në Ministrin e Mbrojtjes dhe Deirdre Carbery kapiten.

Gjermania konfirmon mbështetjen për FSK-në dhe Kosovën



Zëvendësministri për Forcën e Sigurisë së Kosovës, z. Burim Ramadani, komandanti i FSK-së, gjeneralletenat Rrahman Rama dhe koloneli Jeton Dreshaj, që nga data 16.07.2018, po qëndrojnë për një vizitë zyrtare në Qeverinë Federale të Gjermanisë.

Zëvendësministri Ramadani dhe komandanti i FSK-së gjeneral Rama, gjatë vizitës në Qeverinë e Gjermanisë kanë realizuar takime të përbashkëta ku kanë biseduar për zhvillimet dhe arritjet e përgjithshme të FSK-së, avancimin dhe thellimin e bashkëpunimit ndërmjet dy vendeve, si dhe për planet për avancim dhe bashkëpunim në të ardhmen.

Gjatë takimeve të përbashkëta, zyrtarët e lartë të Qeverisë Gjermane kanë konfirmuar mbështetjen për FSK-në dhe Kosovën, duke përkrahur zhvillimin e kapaciteteve profesionale të institucioneve të Kosovës për siguri me qëllim

të thellimit të bashkëpunimit me Gjermaninë dhe NATO-n, në këtë aspekt. Delegacioni i Ministrisë për Forcën e Sigurisë të Kosovës (MFSK) është pritur nga sekretari i shtetit z. Thomas Silberhorn, zëvendësministër në Ministrinë Federale të Mbrojtjes, kurse dje delegacioni i MFSK-së është pritur nga znj. Betinna Cadenbach, drejtoreshë për Politikë të Sigurisë në Ministrinë e Punëve të Jashtme të Gjermanisë dhe drejtori për Planifikim në Ministrinë e Mbrojtjes, gjenerali Erhard Bühler Delegacioni ka vizituar edhe Departamentin për Bashkëpunim Ndërkombëtar.

Gjatë takimeve në Qeverinë e Gjermanisë delegacioni i MFSK-së bisedoi me mikpritësit për avancimin dhe thellimin e bashkëpunimit të ndërsjellë në mes të Kosovës dhe Gjermanisë dhe në këtë kuadër edhe të Forcës së Sigurisë së Kosovës me Ushtrinë e Gjermanisë.

Delegacioni i lartë i FSK-së vizitoi Ministrinë e Jashtme të Francës



Zëvendësministri i Forcës së Sigurisë së Kosovës (MFSK) z. Burim Ramadani, komandanti i FSK-së gjeneralletjënant Rrahman Rama dhe oficeri i lartë kolonel Jeton Dreshaj, më 19 korrik 2018, qëndruan për vizitë zyrtare në Re-

publikën e Francës. Delegacioni i MFSK-së i shoqëruar edhe nga ambasadori i Republikës së Kosovës në Paris, z. Qëndrim Gashi u prit nga z. Thomas Bertin, drejtor për Ballkanin Perëndimor në Ministrinë e Punëve të Jashtme të Francës.

Në takimet që zhvilloi delegacioni i FSK-së në Ministrinë e Punëve të Jashtme dhe në Ministrinë e Mbrojtjes të Francës, janë diskutuar arritjet e FSK-së, bashkëpunimi dypalësh dhe avancimi i marrëdhënieve ndërmjet dy ministrive. Zv. ministri Ramadani dhe gjeneral Rama në takimet e tyre me zyrtarët francez biseduan edhe për sigurinë në Kosovë dhe rajon, si dhe për të ardhmen e FSK-së dhe mundësitë që FSK-ja në të ardhmen të bëhet pjesë e Operacioneve Paqeruajtëse krahas ushtrive të vendeve të NATO-s. Në të gjitha takimet e delegacionit të MFSK-së me zyrtarët francez u arrit konstatimi se bashkëpunimi ndërmjet Kosovës dhe Francës për çështjet e sigurisë dhe të mbrojtjes është kontribut për partneritetin e përgjithshëm midis dy vendeve si dhe për sigurinë rajonale dhe më gjerë.

Shefi i Shtabit të KFOR-it, gjenerali Powell vizitoi KDS-në



Më 19 korrik 2018, komandanti i Komandës së Doktrinës dhe Stërvitjes (KDS) gjeneral brigade Irfete Spahiu priti shefin e Shtabit të KFOR-it në Kosovë gjeneral brigade Lawrence Powell. Në takim të përbashkët në mes të dy gjeneralëve u bisedua për bashkëpunimin e dyanshëm ndërmjet FSK-së dhe KFOR-it, me theks të veçantë për bashkëpunimin në fushën e stërvitjes dhe shkëmbimit të përvojave. Gjeneral Spahiu dhe gjenerali Powell biseduan edhe për të arriturat e FSK-së dhe rolin e KDS-së në zhvillimin dhe profesionalizimin e pjesëtarëve të FSK-së, si dhe mundësitë e bashkëpunimit si brenda ashtu edhe me partnerët

strategjikë, si dhe për objektivat për zhvillimin dhe avancimin e KDS-së në të ardhmen. Gjeneral Spahiu ka falënderuar gjeneralin Powell për bashkëpunimin e deritashëm dhe për ndihmën që KFOR-i ka dhënë dhe po jep për Kosovën si dhe kontributin në ndërtimin dhe zhvillimin e FSK-së, si me pajisje po ashtu edhe me trajnime. Ajo gjithashtu e njoftoi gjeneralin Powell edhe me zhvillimet e përgjithshme që janë duke ndodhur në KDS dhe synimet për të ardhmen. Takimi përfundoi me shkëmbimin e dhuratave mes gjeneralëve të cilët shprehën gatishmërinë që bashkëpunimi të vazhdojë edhe në të ardhmen.

Kosova dhe Italia thellojnë bashkëpunimin në siguri dhe mbrojtje

Zëvendësministri për Forcën e Sigurisë së Kosovës (FSK) Burim Ramadani dhe komandanti i FSK-së gjeneralletjënant Rrahman Rama, më 24 korrik 2018, kanë qëndruar për vizitë dyditore në Romë. Delegacioni i MFSK-së është pritur nga niveli i lartë i Qeverisë italiane dhe Forcat e Armatosura të Italisë. Në takimin e zv. ministrit Ramadani dhe komandantit Rama me zëvendësministrin italian të Mbrojtjes, z. Raffaele Volpi, u diskutua për objektivat e Kosovës për anëtarësim në NATO,

thellimin e bashkëpunimit dypalësh me Italinë, arritjet e FSK-së, planin gjithëpërfshirës për transformimin e FSK-së në ushtri, si dhe për vullnetin e Kosovës për t'i dërguar trupat e FSK-së në ndihmë të popujve në zona të ndryshme të krizave nëpër botë. Gjithashtu, dje, më 23 korrik, delegacioni i MFSK-së është pritur nga nënadmiralet Giuseppe Dragone, komandant i Shtabit të Përbashkët Italian të Operacioneve. Delegacioni i FSK-së me nënadmiralet Dragone kanë diskutuar për mundësitë e thellimit të bash-



këpunimit dhe angazhimet e përbashkëta ndërmjet Kosovës dhe Italisë në fushën e sigurisë dhe mbrojtjes si dhe për gatishmërinë e Kosovës për të marrë pjesë në Operacione Paqeruajtëse nëpër botë krahas Forcave të Armatosura Italiane. Delegacioni i MFSK-së ka zhvilluar vizitë edhe në Ministrinë e Jashtme të Italisë me drejtorin për Ballkanin Perëndimor dhe drejtorin për NATO, ku ndër të tjera me zyrtarët e MPJ-së u diskutuan marrëdhëniet e Kosovës me Italinë dhe me NATO-n.

Gjenerali Naim Haziri vizitoi Komandën e Mbështetjes të FA të Republikës së Shqipërisë



Bazuar në planin e bashkëpunimit dypalësh me Republikën e Shqipërisë dhe me ftesë nga Forcat e Armatosura të Republikës së Shqipërisë (FARSH) komandanti i brigadës

së Mbështetjes Operacionale (BMO) gjeneral brigade Naim Haziri, i shoqëruar nga shefi i Shtabit të Brigadës së Mbështetjes Operacionale nënkolonel Sami Hajrullahu, shefi i G3 i kësaj bri-

gade, major Astrit Halilaj, më 16 korrik 2018, zhvilluan një vizitë pune dyditore në Komandën Mbështetëse të FARSH. Në këtë vizitë gjeneral Haziri shoqërohej edhe nga atasheu ushtarak i Republikës së Kosovës i akredituar në Tiranë, kolonel Bashkim Shillova. Gjeneral brigade Naim Haziri u prit nga komandanti i Komandës Mbështetëse kolonel Gasper Lala dhe shefi i Shtabit i Komandës Mbështetëse kolonel Beqir Tafili. Në takim u fokusuan në fushat më të rëndësishme të bashkëpunimit ushtarak midis Komandës Mbështetëse dhe Forcës së Sigurisë të Kosovës, përkatësisht BMO-së, për trajnim dhe stërvitje në fushën

e operacioneve për emergjencat civile, në rast të katastrofave natyrore si: zjarrfikje, kërkim-shpëtim e deri në ndërtim të urave. Gjeneral Haziri po ashtu u prit nga shefi i Shtabit të Përgjithshëm të FARSH-s gjeneral brigade Bardhyl Kollqaku i cili solli në vëmendje kontributin e FSK-së për Shtetin Shqiptar sa herë që është kërkuar në rastet e katastrofave natyrore. Gjeneral Haziri falënderoi gjeneral brigade Kollqaku si dhe komandantin e Komandës Mbështetëse dhe stafin e tij për pritjen e ngrohtë duke kërkuar që bashkëpunimi midis Brigadës së Mbështetjes Operacionale të FSK-së dhe Komandës Mbështetëse të FARSH-it të

jetë i vazhdueshëm dhe i pandërprerë. Gjeneral Haziri tha se "FSK-ja tani dhe në të ardhmen do jetë prodhuese e sigurisë për vendin, rajonin dhe më gjerë. Ne ndihemi jashtëzakonisht mirë që si institucion i ri kemi arritur të japim diçka për ushtritë partnere në fushën e trajnimeve të kërkim-shpëtimit, gjë të cilën do vazhdojmë të ofrojmë edhe në të ardhmen përmes Qendrës së Kërkim-Shpëtimit në Regjimentin e Mbrojtjes Civile. Duke pasur parasysh kapacitet aktuale që kemi si njësi bazuar në mision dhe në bashkëpunim për forcimin e tyre, do të jemi në gjendje që në kohë sa më të shkurtër t'iu përgjigjemi kërkesave në shërbim të qytetarëve për të dy vendet".

Krivollak - Maqedoni

Kadetët e FSK-së marrin pjesë në ushtrimin fushor “Kampi veror 2018” në Krivollak të Maqedonisë



Në poligonin stërvitor ushtarak në Krivollak të Republikës së Maqedonisë, sot (06.07.2018) kadetët e shteteve pjesëmarrëse me sukses përfunduan operacionet përfundimtare në kuadër të ushtrimit 12 ditor „Kampi veror 2018”, ku krahas

kadetëve të 11 shteteve si: SHBA-ja, Gjermania, Shqipëria, Maqedonia, Austria, Bosnja dhe Hercegovina, Bullgaria, Kroacia, Mali i Zi, Kosova, Rumania, Norvegjia dhe kadetët e FSK-së, të cilët demonstruan me sukses aftësitë e tyre profesionale si dhe nivelin

e gatishmërisë. Ushtrimin fushor të kadetëve „Kampi veror 2018” e përcollën nga afër edhe gjeneral brigadë Nazmi Brahimaj, shef i Departamentit për Operacione në Ministrinë për Forcën e Sigurisë së Kosovës (MFSK), kolonel Mehmet Lladrovci zëvendës komandant i Komandës së Doktrinës dhe Stërvitjes (KDS), kapiten Adem Preteni zëvendës komandant i Qendrës për Studime Universitare të FSK-së (QSU), etj. Me këtë rast, gjeneral Nazmi Brahimaj, në emër të komandantit të FSK-së, gjenerallejtënant Rrahman Rama ka përgëzuar të gjithë kadetët e FSK-së, pjesëmarrës në ushtrim për motivimin, disiplinën, profesionalizmin dhe ndërveprimin me kadetët në ambient ndërkombëtarë me të cilin këta kadetët do të stërviten dhe trajnohen edhe në të ardhmen.

Në ditën e fundit të ushtrimit fus-

hor, kadetët e të gjitha vendeve pjesëmarrëse, gjatë demonstrimit, përbënin një batalion shumëkombësh që ishin të ngarkuar me detyra të operimit dhe realizimit të tyre në terren. Ushtarët dhe eprorët pjesëmarrës treguan një nivel të lartë të angazhimit, veprimit dhe koordinimit në mes tyre, duke vepruar si njësi unike në realizimin e detyrave të përcaktuara nga skenari i ushtrimit. Ushtrimi fushor “Kampi veror 2018” ka karakter

ndërkombëtar dhe organizohet nga Ministria e Mbrojtjes dhe Akademia Ushtarake e Maqedonisë, në të cilin për çdo vit po marrin pjesë kadetët e vende të ndryshme të rajonit e më gjerë, të menaxhuar nga instruktorë të NATO-s dhe të Partneritetit për Paqe (PFP). Kadetët e FSK-së, pjesëmarrës në “Kampin veror 2018”, edhe këtë vit u dalluan me paraqitjen e tyre të shkëlqyeshme si në operacionet individuale dhe ato kolektive.



Certifikohen zhytësit e FSK-së për kërkim-shpëtim në ujëra



Në Qendrën e Trajnimit për Kërkim-Shpëtim në Pomezat, më 29.06.2018, është mbajtur ceremonia e certifikimit të 12 pjesëtarëve të FSK-së, të cilët kanë përfunduar me sukses kursin e nivelit bazik të zhytjes në ujë. Gjatë këtij trajnimit kadetët kanë përfunduar pjesën teorike brenda në klasë, ku kanë mësuar procedurat e sigurisë, njohuritë rreth pajisjeve të zhytjes dhe komunikimin nën ujë. Faza tjetër e

trajnitimit është mbajtur në pishinë, në Banjë të Malishevës, ku për herë të parë studentët kanë përjetuar përvojën praktike të veshjes si dhe notit me pajisje të zhytjes. Fazën e tretë dhe të fundit të trajnitimit, studentët e kryen në Batllavë, gjatë qëndrimit njëjavor; ku aty studentët kanë fituar praktikën dhe përvojën e zhytjes në ujëra të ndotura ku shikueshmëria ka qenë shumë e dobët. Gjatë testimit të rreptë, studentët për

detyrë kanë pasur kryerjen e një numri të procedurave të sigurisë gjersa zhyteshin në një thellësi minimale prej 5m nën ujë. Gjatë testimit, studentët u vizituan nga admiral Kilrain i SHBA-ve dhe komandanti i Forcës së Sigurisë së Kosovës, gjenerallejtënant Rrahman Rama. Certifikatat janë ndarë nga koloneli Shaip Haziri, komandant i Regjimentit të Mbrojtjes Civile (RMC), koloneli Selim Troci nga Ushtria e Republikës së Shqipërisë dhe njëherësh drejtor i Qendrës së Kërkim-Shpëtimit, Major Connor, Atasheu nga Ambasada e SHBA-ve si dhe drejtori i Qendrës së Trajnimit për Kërkim-Shpëtim. Ky kurs ka qenë historik për tërë FSK-në. Për herë të parë, nga komuniteti joshumicë, 2 pjesëtarë të FSK-së nga komuniteti serb janë kualifikuar si zhytës. Gjithashtu për herë të parë, duke u ballafaquar me stresin mendor dhe tendosjen e të qenit anëtar i kërkim-shpëtimit profesional si dhe një zhytës, studentët iu nënshtruan një trajnimi specifik

lidhur me atë se si të menaxhojnë traumat psikologjike. Ky modul u tregua shumë i suksesshëm andaj që prej tash është përfshirë në të gjitha kurset që ofrohen nga QTKSH-ja.

Në përmbyshjen e detyrave të tij, sa të ndjeshme po aq edhe fisnik. “ Nderimi ndaj historisë, dëshmorëve dhe të kaluarës sonë të lavdishme është nderim për

sot bartin vajzat dhe djemtë e Forcës së Sigurisë së Kosovës, ka kaluar një rrugë të gjatë e të mundimshme për të ardhur deri këtu ku jemi sot, andaj çdo angazhim ynë për të ndihmuar në projektet tuaja për komplekset memorialë në Kosovë, është një nder për ne”. Ndërkaq, drejtori i Agjencisë për Menaxhimin e Komplekseve Memorialë, Bislim Zogaj e falënderoi



lirinë, shtetin e Kosovës dhe të ardhmes tonë. Kjo uniformë që

përzemërsisht ministrin Berisha për pritjen dhe përkrahjen.



Albian Ajvazi shpallet studenti më i mirë ndërkombëtar në shkollën e Adjutantëve Gjeneralë të Ushtrisë së SHBA-ve

Oficeri i Forcës së Sigurisë së Kosovës, togeri Albian Ajvazi, këshilltar ushtarak i komandantit të Forcës Tokësore të FSK-së, më 20.07.2018, shpallet studenti më i mirë ndërkombëtar, në trajnimin “Kursi për Kapiten të Karrierës për Adjutant Gjeneral” që u realizua nga shkolla e Adjutantëve Gjeneralë të Ushtrisë së SHBA-ve. Në këtë shkollë, përveç

studentëve nga ushtria amerikane, pjesëmarrës ishin edhe oficerë nga Kosova, Egjipti, Jordania, Indonezia dhe Rumania. Në vlerësimin e përgjithshëm nga ushtria amerikane shkruhet: Toger Albian Ajvazi demonstroi një kuptim të plotë të kompetencave të burimeve njerëzore, si dhe funksioneve të tjera thelbësore të mbështetjes së burimeve njerëzore. Ai e përfaqë-

soi Kosovën në mënyrë të jashtëzakonshme në Shtetet e Bashkuara. Toger Ajvazi, gjatë shkollimit në SHBA, ka zgjeruar njohuritë ushtarake në temat e përgjithshme si: Menaxhimi i sistemeve të burimeve njerëzore; mbështetja operacionale dhe taktike; shërbimet esenciale dhe menaxhimi i gatishmërisë së personelit; zhvillimi i planifikimit dhe operacione-

ve në kuadër të burimeve njerëzore dhe mbështetja civile në operacione. Toger i FSK-së, Albian Ajvazi, në shkollën e Adjutantëve Gjeneralë të Ushtrisë së SHBA-ve arriti rezultate të shkëlqyeshme dhe si rezultat i performancës së lartë, pas përfundimit të trajnimit, u dekorua me medaljen „Diplomatic Award” për periudhën kohore janar-korrik 2018.

FSK-ja pajiset me automjete taktike amerikane „Hamvi”

Vijon nga faqja e parë



Në Ministrinë për Forcën e Sigurisë së Kosovës, në një ceremoni rasti, kryeministri i Republikës së Kosovës, z. Ramush Haradinaj dhe ambasadori i SHBA-ve, z. Greg Delavie, më 17.07.2018, nënshkruan aktin final të kontratës për furnizim me automjete shumë funksionale ushtarake me lëvizshmëri të lartë (HM-MWV) nga Qeveria e Republikës së Kosovës me kompaninë amerikane „AM General” për furnizim të Forcës së Sigurisë së Kosovës.

Me këtë rast, kryeministri Haradinaj, duke falënderuar Shtetet e Bashkuara të Amerikës, theksoi se Forca e Sigurisë së Kosovës është një trupë profesionale, gjithëpërfshirëse dhe është shembulli më i mirë i ecjes së përbashkët të Kosovës me SHBA-të dhe NATO-n: „Sot, ne po bëhemi dëshmitarë të një ngjarjeje të madhe për popullin e Kosovës. Forca jonë e sigurisë po modernizohet me teknikë ushtarake shumë funksionale „Hamvi”. Ngritja e kapaciteteve teknike të FSK-së dita-ditës tregon se kjo forcë po ngritët sipas standardeve të NATO-s”. Më tej, kryeministri Haradinaj theksoi:

„SHBA-të, NATO-ja, KFOR-i dhe Bondstilli janë sinonime të qetësisë e sigurisë në Kosovë, dhe nuk është habi që populli i Kosovës është ndër popujt më pro amerikanë që i qëndron besnik miqësisë së përhershme me SHBA-të”. Në fund të fjalës së tij, i pari i Qeverisë së Kosovës, z. Haradinaj tha: „Kosova është rreshtuar me ushtritë e lirisë dhe të paqes. Tranzicioni i FSK-së do të bëhet në koordinim të plotë dhe me mbështetjen e aleatëve tanë strategjikë. Kosova nga një vend që absorbon siguri po kthehet në një vend që prodhon dhe ofron siguri dhe është e gatshme të marrë pjesë në misionet paqeruajtëse, kudo që aleatët tanë e shohin të nevojshme”.

Ndërsa, ministri i FSK-së, Rustem Berisha tha: „Sot, është një ditë e veçantë për mua, Ministrinë dhe FSK-në. Mjetet taktike „Hamvi” do të jenë në shërbim të FSK-së, dhe ky akt i nënshkrimit është i një rëndësie të veçantë që i kontribuon thellimit të bashkëpunimit me SHBA-të, avancimit të FSK-së, si dhe rrit shkallën e ndërveprueshmërisë me shtetet e NATO-s”. Në fund të fjalës së

tij, ministri Berisha tha: „Dua të falënderoj Shtetet e Bashkuara të Amerikës për mbështetjen e pakursyer në vazhdimësi e sidomos në kuadër të trajnimeve, edukimit apo edhe pajisjeve përmes Zyrës për Bashkëpunim Ushtarak (ODC) dhe Gardës Kombëtare të Ajovës, dhe ky bashkëpunim do të vijojë edhe më tej në të ardhmen”.

Nga ana e tij, ambasadori amerikan, z. Greg Delavie tha se: „Sot po kremtojmë nënshkrimin e kontratës për furnizim ndërm-

jet FSK-së dhe kompanisë „AM General” dhe se më vjen mirë që Forca e Sigurisë së Kosovës e ka përzgjedhur Hamv-në si automjetin e ardhshëm të saj. Kjo kontratë i dërgon shenjë të qartë botës se Kosova mëton ta çojë deri në fund integrimin euroatlantik në të gjitha mënyrat. Kjo blerje do ta forcojë partneritetin ndërmjet Kosovës dhe Shteteve të Bashkuara të Amerikës dhe do të ndihmojë në përmbushjen e ndërveprueshmërisë në mes të forcave ushtarake amerikane, NATO-s dhe Forcës së Sigurisë së Kosovës. Gjithashtu, jemi të ngazëllyer që jemi pjesë e kësaj ere të re të Forcës së Sigurisë së Kosovës dhe presim me padurim ta shohim dërgesën e parë të Hamvi-ve gjatë këtij viti”.

Kurse, nënkryetari i kompanisë „AM General” z. Lawrance Platt, falënderoi Qeverinë e Kosovës

dhe FSK-në për besueshmërinë për furnizimin me automjetet të Kompanisë, ashtu siç ka bërë ushtria amerikane dhe shumë shtete të NATO-s. Në ceremoninë e organizuar nga Qeveria e Kosovës të pranishëm ishin edhe ministri i Forcës së Sigurisë të Kosovës, z. Rustem Berisha, sekretari i përgjithshëm z. Shkelzen Sylaj, komandanti i Forcave Tokësore të FSK-së, gjeneral brigade Enver Cikaqi, gjeneral major Gëzim Hazrolli, nën-presidenti ekzekutiv i kompanisë „AM Generals”, z. Lawrance Platt, komandanti i KFOR-it gjeneral major Salvatore Cuoci, komandant i Kampit Bondsteell kolonel Nick Ducich, gjeneralë të FSK-së, ministra, ambasadorë dhe atashe ushtarakë të akredituar në Kosovë, si dhe deputetë të Kuvendit të Kosovës.



Ambasada Amerikane ndanë mirënjohje për ekipin e FSK-së që ofroi ndihmën e parë mjekësore të lënduarve në aksident komunikacioni



Me një ceremoni modeste në mjediset e Ministrisë për Forcën e Sigurisë së Kosovës, mbajtur më 3 korrik 2018, atasheu ushtarak kolonel Jeffrey Fischer, në emër të ambasadorit amerikan në Kosovë, z. Greg Delavie, ndau nga një certifikatë-mirënjohje për katër ushtarakët e FSK-së, pjesë e ekipit të Njësisë Ndërlidhëse për Reagim ndaj Krizave, të cilët treguan gatishmëri, vetëmohim dhe profesionalizëm në ofrimin e ndihmës së parë mjekësore për disa qytetarë të lënduar si pasojë e aksidentit në komunikacion. Me këtë rast, përfaqësuesi i Ambasadës Amerikane, atasheu ushtarak, kolonel Jeffrey Fischer, në emër të Shteteve të Bashkuara të Amer-

ikës, duke ua dorëzuar mirënjohjet për shërbim të jashtëzakonshme majorit Ali Vishit, tetarëve Arban Rushiti, Alban Shyti si dhe ushtarit Predrag Maksimović, në shenjë mirënjohje dhe vlerësimi për punën dhe angazhimin e tyre në aksionin e ndërmarrë me vetiniciativë, në përgjigje të situatës-dhënie e ndihmës së parë në vend incident, theksoi që stafi i Ambasadës Amerikane edhe FSK-ja janë krenarë me aksionin e pjesëtarëve të FSK-së, si dhe theksoi se të gjithë këta janë duke punuar bashkë, çdo ditë e më shumë për një FSK edhe më të fuqishme dhe më profesionale. Ndërsa, gjeneral major Gëzim Hazrolli, drejtor i Drejtorisë për Operacione, në emër të komandantit të FSK-së, gjeneralletenant Rrahman Rama, duke iu drejtuar të dekoruarve, e vlerësoi lartë iniciativën e kolonelit Fischer, në emër të ambasadorit, për ta vlerësuar punën dhe angazhimin e pjesëtarëve tanë. Ky akt, tha gjeneral Hazrolli është edhe një dëshmi tjetër se mbështetjen dhe përkrahjen e partnerëve tanë jemi duke e vënë në jetë konkretisht.

„Për me qenë hero nuk duhet që patjetër me ndodhë një emergjencë me përmasa të mëdha, nuk duhet që edhe me patjetër të ndodhë luftë, heronjtë janë edhe të paqes, dhe shpëtimi i një jete është gjithmonë një akt që duhet vlerësuar”, tha gjeneral major Gëzim Hazrolli. Me këtë rast, udhëheqësi i ekipit të FSK-së, major Ali Vishi, falënderoi Ambasadën Amerikane për vlerësimin si dhe paraqiti një ekspozë të aksionit, ku foli për gatishmërinë dhe vetëmohimin e

pjesëtarëve të ekipit të tij në përgjigje të situatës së shkaktuar nga aksidenti ndërmjet veturave civile, në aksin rrugor Prishtinë-Ranillug, derisa ekipi i FSK-së ishte caktuar të marrë pjesë në takimin për siguri në Komunën e Ranillugut. Gjithashtu, major Vishi e vlerësoi lart edhe angazhimin e Ambasadës Amerikane në kujdesin dhe mbështetjen me trajnime të pjesëtarëve të FSK-së, sidomos me trajnimet mjekësore, të cilat u vunë në jetë në rastin konkret.

Certifikata e mirënjohjes për katër pjesëtarët e FSK-së, të Njësisë për Reagim në Kriza, e dhuruar sot nga koloneli Fischer në emër të SHBA-ve, ka këtë motivacion: „Në shenjë mirënjohjeje për reagimin tuaj me vetiniciativë, në përgjigje të situatës nga aksidenti rrugor, Ju demonstruat përkushtim dhe profesionalizëm si pjesëtarë të Njësisë Ndërlidhëse për Reagim ndaj Krizave. Reagimi juaj reflekton sukses për ju, FSK-në dhe Kosovën në përgjithësi”.



Ministri Berisha dhe gjeneral Rama pritën në takim lamtumirës atasheun ushtarak shqiptar, kolonel Ahmet Leka



Ministri i Forcës së Sigurisë të Kosovës (MF-SK) z. Rrustem Berisha dhe komandanti i FSK-së gjeneralletjënant Rrahman Rama, më 26 korrik 2018, pritën në

takime të ndara atasheun ushtarak shqiptar, kolonel Ahmet Leka, me rastin e përfundimit të misionit të tij. Ministri Berisha dhe komandanti Rama falënderuan kolonelin Leka dhe

përmes tij Forcat e Armatosura të Republikës së Shqipërisë për kontributin e tyre të madh në avancimin e Forcës së Sigurisë së Kosovës në shumë fusha.

Në shenjë falënderimi, ministri Berisha kolonelit Leka i dhuroi Mirënjohje për angazhimin e tij në avancimin e bashkëpunimit ndërmjet Shqipërisë dhe Kosovës. Më këtë rast, ministri Berisha u shpreh: “Ju falënderoj për bashkëpunimin korrekt dhe frytdhënës e mbi të gjitha vëllazëror gjatë mandatit Tuaj si Atashe i Shqipërisë në Kosovë.

Ndihma Juaj dhe e Shtetit

shqiptar kanë një domethënie të veçantë për ne. Më lejoni që në emër të Ministrisë që drejtoj, në emër të FSK-së dhe në emrin tim personal, të ju falënderoj për kontributin Tuaj, në fusha të ndryshme, në Forcën e Sigurisë të Kosovës,” tha ministri Berisha. Atasheu Ushtarak i Republikës së Shqipërisë, kolonel Ahmet Leka, është shprehur falënderues për bashkëpunimin dhe bashkërendimin e aktiviteteve gjatë ushtrimit të mandatit të tij në Kosovë. “Kam pasur fat dhe privilegj të punoj me Ju ministër Berisha. Jam

ndier shumë i vlerësuar dhe i motivuar në detyrën time. Padyshim kjo është periudha më e mirë e karrierës time, pasi më mundësoj të kontribuoj për Ju, për vëllezërit e mi, duke realizuar kështu një ëndërr fëmijërie. Duke njohur angazhimin tuaj, potencialet dhe përpjekjet e vazhdueshme për ngritjen e vlerave të ushtarakëve të Kosovës, jam i bindur se janë garancia më e mirë për krijimin e Forcave të Armatosura të Kosovës, përkatësisht transformimin e FSK-së në FAK”, është shprehur kolonel Leka.

Oficerë dhe familjarë të Forcave të Armatosura të Turqisë vizitojnë Kosovën

Bazuar në Protokollin mbi shkëmbimin e personelit ushtarak dhe civil për qëllime sociale dhe kulturore ndërmjet Ministrisë për FSK-në dhe Ministrisë së Mbrojtjes të Republikës së Turqisë, prej datës 26 qershor deri më 02 korrik 2018, si mysafirë të MFSK/FSK-së ka qëndruar për vizitë kulturore në vendin tonë një delegacion 10 anëtarësh nga stafi ushtarak i Forcave të Armatosura të Turqisë me bashkëshortet e tyre. Delegacioni nga Turqia është pritur edhe nga komandanti i Komandës së Forcave Tokësore gjeneral brigade Enver Cikaqi dhe gjeneral

brigade Naim Haziri, si dhe nga oficerë tjerë të FSK-së, disa nga të cilët shoqëruan delegacionin gjatë tërë kohës së qëndrimit në Kosovë. Mysafirët nga Forcat e Armatosura të Turqisë kanë realizuar edhe vizita të shumta nëpër vende të ndryshme historike dhe me interes kulturor si në Kosovë, Maqedoni dhe në Shqipëri. Në Kosovë kanë vizituar Muzeun Kombëtar, Xhaminë e Madhe, Ministrinë për FSK-në, Kazerminë “Adem Jashari”, Sheshin “Nëna Terezë”, vendqëndrimin e stafit të KFOR-it turk në “Film City”, Tyrbën e Sulltan Muratit, Kompleksin Memorial të Jashara-

jve në Prekaz, Sheshin e Pejës, tek busti i Shkelzen Haradinajt vunë buqeta lulesh dhe nderuan me minutë heshtje dhe burimin e Drinit të Bardhë në Radavc të Pejës. Po ashtu në qytetin e Prizrenit përveç shumë objekteve me rëndësi kulturore dhe historike, vizituan Muzeun Etnologjik dhe atë Arkeologjik si dhe kampin e KFOR-it turk, ku u pritën nga stafi komandues i tij. Ndërkaq, në Shkup e Tiranë ata vizituan kanionin e Matkës, kalanë e Shkupit, xhaminë e Mustafë Pashës, Pazarin e Vjetër, Sheshin e Shkupit, Bunkerin Art, Xhaminë e Ethem Beut, Bule-



vardin “Nënë Tereza”, Sheshin “Skënderbeu”, Malin e Dajtit etj. Vizita është realizuar sipas agjendës së paracaktuar dhe

mysafirët u shprehën mjaft të kënaqur me mbresa të veçanta dhe shumë falënderues për pritjen.

Gjeneral Naim Haziri vizitoi operacionet e çminimit në terren



Komandanti i Brigadës së Mbështetjes Operacionale (BMO) të FSK-së, gjeneral brigade Naim Haziri, i shoqëruar edhe nga kolonel Esercito Terebinito, këshilltar i komandantit të FSK-së, nënkolonel Paul Stainthorpe, këshilltari i komandantit të FSK-së, major Christopher Donor, atashe ushtarak i SHBA-ve, si dhe kolonel Shaip Haziri, komandant i Regjimentit të Mbrojtës Civile (RMC), më 27 korrik 2018, vizituan ekipet e deminimit të FSK-së, të cilat janë duke zhvilluar operacione çminimi në Parkun e Lirisë në Ferizaj dhe në fshatin Paldenicë të Hanit të Elezit. Gjeneral Haziri, gjatë këtyre vizitave, nga pjesëtarët e Kompanisë së Deminimit, u njoh

nga afër me fushëveprimin dhe ecurinë e operacioneve të çminimit në zonat e minuara. Naim Haziri i përgëzoi pjesëtarët e ekupeve të Kompanisë së Deminimit për suksesin dhe profesionalizmin që kanë treguar, pa pësuar as edhe një dëmtim gjatë punës së tyre mjaft të rrezikshme, tash e sa vite kudo që kanë vepruar në Kosovë. Ai gjithashtu i ka inkurajuar ekipet e deminimit që edhe në të ardhmen të vazhdojnë me pastrimin e tokave të minuara, për të mbrojtur kështu jetën e qytetarëve të vendit. Në fund, për mysafirët, ekipet e Kompanisë së Deminimit prezantuan pajisjet e punës dhe demonstruan në praktikë punën e tyre në pastrimin e terrenit.

Oficerët e FSK-së përfundojnë Kursin e Lartë të Oficerit në Republikën e Shqipërisë



Në Komandën e Doktrinës dhe Stërvitjes të Forcave të Armatosura të Republikës së Shqipërisë (FARSH), më 2 korrik 2018, diplomuan kursantët e Kur-

sit të Lartë të Oficerit (KLO) dhe kursantet e Kursit të Komandës dhe Shtabit të Përgjithshëm (KKSHIP). Në ceremoninë e diplomimit mori pjesë një delegacion i Forcës së Sigurisë

së Kosovës i udhëhequr nga gjeneral brigade Naim Haziri, si dhe atasheu ushtarak, kolonel Bashkim Shillova, ndërsa nga FARSH ishte edhe gjeneral brigade Bardhyl Kollçaku, shef

i Shtabit të FARSH. etj. Në këto kurse, për vitin akademik 2017-2018, shkollimin e vijuan gjashtë pjesëtarë të FSK-së. Kursin e Lartë të Oficerit e kambaruar një pjesëtar ndërsa, pesë të tjerë në Kursin e Komandës dhe Shtabit të Përgjithshëm. Pjesëtarët të cilët me sukses përfunduan këto kurse janë: Nënkolonel Bekim Zejnullahu, përfundoi (KLO) dhe ku mori mirënjohje për rezultatet e treguara gjatë këtij viti, gjithashtu edhe major Adem Shyti, mori mirënjohje për rezultatet e treguara në këtë kurs, si dhe diplomuan edhe major Adem Shyti, major Ibrahim Revuqi, major Agim Beqiri, major Astrit Halilaj dhe major Demë Lulaj.

Batalioni i Tretë i BRSH-së përfundoi trajnimin „Komando dhe Bjeshkatari”

Në ambientet e Batalionit të Tretë të Brigadës për Reagim të Shpejtë në Mitrovicë, dje (16.07.2018) është mbajtur ceremonia e certifikimit të 20 pjesëtarëve të cilët përfunduan me sukses trajnimin „Komando dhe Bjeshkatari”. Ky trajnim ka filluar më 04.06.2018 dhe ka përfunduar më 13.07.2018. Ligjëruesit, mbikëqyrësit dhe vlerësuesit të këtij trajnimi ishin nga Ekipi Trajnues Turk i cili në fund u nda i kënaqur me arritjet, përgatitjen dhe disiplinën e pjesëtarëve të FSK-së, që morën pjesë në trajnim. Në këtë trajnim kanë marrë pjesë pjesëtarët të Kompanisë 3A, 3B dhe 3C. Trajnimi ka zgjatur gjashtë javë - katër javë janë mbajtur në kazermën „Minatori” në Mitrovicë dhe dy javë në kazermën e Regjimentit të Mbështetjes



Civile „Evropianët e Rinjtë” në Pomoztin. Gjatë kësaj kohe të trajnimit janë realizuar ligjëratat të kombinuara teorike dhe praktike në terren, të përcjella me teste me shkrim dhe ushtime praktike. Programi i trajnimit „Komando dhe Bjeshkatari”

përfshinë temat e navigimit tokësor- ditën dhe natën; kalimin e poligonit të kalitjes; taktikat e qitjes me avancim individual në qifte, me skuadër dhe me togë; lëvizjet taktike individuale, ekip, skuadër dhe togë; repelimi nga vende ko-

drinore-malore dhe aktivitete sfiduese fizike, përfshirë marshime të vazhdueshme në distanca të gjata dhe vrapim me pajisje ushtarake deri në 27 km. Në ceremoni të certifikimit, të pranishëm ishin zv. komandanti i Komandës së Forcave Tokësore gjeneral brigade Xhevahir Geci, zv. komandanti i Brigadës së Reagimit të Shpejtë kolonel Hysen Dreshaj, komandanti i Batalionit të Tretë, nënkolonel Sylejman Cakaj dhe koloneli i Ekipi Trajnues Turk Kemal Olçar. Nënkoloneli Sylejman Cakaj-komandant i Batalionit të Tretë, në adresimin e tij para të pranishmëve theksoi rëndësinë e arritjes së objektivave trajnuese të këtij trajnimi dhe njëherësh falënderoi Ekipin Trajnues Turk, për kontributin e dhënë në realizimin e këtyre objektivave. Ndërsa, zv. ko-

mandanti i Forcave Tokësore, gjenerali Xhevahir Geci, në fjalën e tij, përgëzoi komandantin e Batalionit të Tretë për të arriturat e përgjithshme dhe falënderoi Ekipin Trajnues nga Turqia për kontributin e dhënë në trajnimin e pjesëtarëve të FSK-së, e në veçanti pjesëtarët e BAT-3. Ky trajnim ishte një ndër trajnimet më sfiduese që kanë zhvilluar pjesëtarët e Batalionit të Tretë si dhe trajnimi i parë i këtij lloji që është mbajtur në FSK. Trajnimi „Komando dhe Bjeshkatari” tregon edhe një herë se Batalioni i 3-të është i gatshëm dhe ka kapacitete që të zhvillojë operacione për t’ju dalë në ndihmë të gjithë qytetarëve të Kosovës në zonën e tij të përgjegjësisë. Në përfundim të kësaj ceremonie u ndanë certifikata për pjesëmarrësit në trajnim dhe instruktorët turq.

Pjesëtarja e FSK-së, Gentiana Korpuzi, instruktore e fitnesit fizik në Mbretërinë e Bashkuar



Falë bashkëpunimit intensiv dhe shumë të suksesshëm ndërmjet Ministrisë për Forcën e Sigurisë së Kosovës/ Forcës së Sigurisë së Kosovës dhe Forcave të Armatosura të

Mbretërisë së Bashkuar, pjesëtarja e FSK-së, Gentiana Korpuzi u ftua përsëri në Shkollën e Ushtrisë së Trajnimit Fizik si instruktore për një shtojcë dyvjeçare. Kjo kontratë është e para e këtij lloji për FSK-në, e cila flet për besimin që Ushtria britanike ka në Forcën e Sigurisë së Kosovës dhe pjesëtarët e saj, konkretisht në Gentiana Korpuzin, dhe që shërben gjithashtu për të thelluar lidhjet historike të FSK-së dhe Kosovës me Ushtrinë britanike. Pjesëtare Gentiana Korpuzi, pas shkollimit dyvjeçar parashihet që të kthehet përsëri dhe të investojë në FSK, në mënyrë që aftësitë dhe përvojën e fituar në Britani të Madhe t’i aplikojë në praktikë

në FSK. Gentiana është pjesë e një gjenerate të re në FSK, e cila sjell njohuritë, aftësitë dhe përvojën nga trajnimet jashtë vendit në FSK dhe ka një ndikim të drejtpërdrejtë në bërjen e saj më të përshtatshëm, më të shëndetshëm dhe më operative. Ajo në kohët e fundit ka organizuar dhe udhëhequr një Kurs instruktori të trajnimit fizik të FSK-së në Qendrën e Trajnimit dhe Doktrinës së FSK-së në Ferizaj. 20 të diplomuarit në Kursin për instruktorë të fitnesit fizik janë kthyer nëpër njësitë e tyre për të çuar përpara zhvillimin fizik dhe trajnimin në palestër. Gentiana Korpuzi si instruktore e fitnesit fizik gjithashtu ka udhëhequr aktivitetet fizike me rastin e përzgjed-



hjes së pjesëtarit të fundit të FSK-së për akademitë e Mbretërisë së Bashkuar. Pjesëtarja e FSK-së, Gentiana Korpuzi ka përfunduar për 9 muaj studimet në Shkollën e Armatës Britanike të Trajnimit Fizik

duke zhvilluar teknikat dhe teorinë fizike. Ajo gjithashtu është femra e parë që mbikëqyr që ka përfunduar një nga kurset fizike më prestigjioze që ushtron Ushtria britanike.

Certifikohen pjesëtarët e FSK-së në Kursin për mbijetesë në ujëra



Në Qendrën e Trajnimit për Kërkim-Shpëtim të FSK-së, në Pomoztin, më 17.07.2018, është mbajtur ceremonia e certifikimit të tetë pjesëtarëve të FSK-së, të cilët kanë përfunduar me sukses Kursin e parë një javor të mbijetesës në ujë të mbajtur për

herë të parë në FSK. Ky kurs është zhvilluar bazuar në nevojat operacionale të nxjerra nga përvojat reale të pjesëtarëve të përfshirë në detyrat e kërkim-shpëtimit. Materiali bazë i këtij trajnimi ka qenë Broshura e trajnimit për mbijetesë në ujëra e Ushtrisë Amerikane. Instruk-

torët e QTKSH-së përdorën këtë broshurë dhe e kombinuan me përvojat e tyre personale nga operacionet reale të kërkim-shpëtimit në lumenjtë dhe liqenet e Kosovës, si dhe zhvilluan një planprogram mësimor specifik për mjedisin e Kosovës. Duke qenë hera e parë e mbajtjes së këtij kursi nga QT-ja, pjesëmarrës kanë qenë vetëm pjesëtarët e FSK-së të cilët janë aktualisht zhytës. Studentët janë trajnuar rreth ndihmës së parë mjekësore, si reagues të parë dhe si ta shpëtojnë dikë që gjendet në vështirësi në ujë. Ata kanë mësuar si të krijojnë pajisje lundrimi nga gjësendet që kanë përreth, si dhe kanë mësuar si të krijojnë dhe të përdorin litarët për të shpëtuar viktimat. Kjo përfshin gjithashtu përdorimin e uniformës, rripit apo edhe lidhëseve të

këpucëve. Studentët gjithashtu kanë lundruar nëpër lumenj në një gjatësi prej 2km për të gjetur viktimat në ujë. Duke marrë parasysh se trajnimi është zhvilluar ditën dhe natën, pjesa më e vështirë ka qenë përfundimi i notit prej 1,5km në liqenin e Batllavës, duke bartur me vete kowmplet uniformën derisa mbështeteshin vetëm

në një pjesë druri për të evituar fundosjen në ujë. Trajnimi për mbijetesën në ujë tani do të vlerësohet nga stafi i QT-së dhe modifikimet e nevojshme do të bëhen në të ardhmen, për të siguruar që programi të japë plotësisht atë që është e nevojshme për FSK-në që të ndihmojë në mënyrë të sigurt autoritetet civile.



Pjesëtarë të FSK-së, certifikohen për instruktorë të fitnesit fizik

Sot në mjediset e kazermës “Skënderbeu” të Komandës së Doktrinës dhe Stërvitjes të FSK-së, në Ferizaj, më 19.07.2018, u mbajt ceremonia e certifikimit të trajnimit pesë-javor për instruktorë të fitnesit fizik i cili u realizua nga instruktorët e FSK-së. Në ceremoninë e certifikimit ishin të pranishëm komandanti i Komandës së Doktrinës dhe Stërvitjes gjeneral brigade Irfete Spahiu, komandanti i Brigadës së Mbështetjes Operacionale gjeneral brigade Naim Haziri, këshilltari i komandantit të FSK-së koloneli Sainthrope, zv. komandanti i Komandës së



Doktrinës dhe Stërvitjes koloneli Mehmet Lladrovci, shefi i Shtabit të Komandës së Doktrinës dhe Stërvitjes koloneli Gyrner Mu-

rati, përfaqësues të federatave të Kosovës, përfaqësues të Policisë së Kosovës, familjarë të kursantëve si dhe oficerë dhe

pjesëtarë të njësive të ndryshme të FSK-së. Komandanti i Qendrës së Stërvitjes Specialistike, majori Ilmi Ramusholli, foli me hollësi rreth këtij trajnimit të realizua nga instruktorët e FSK-së, të cilët janë certifikuar nga Ushtria e Mbretërisë së Bashkuar. Ndërsa, komandanti i Komandës së Doktrinës dhe Stërvitjes gjeneral brigade Irfete Spahiu, falënderoi instruktorët dhe kursantët për angazhimin dhe përkushtimin e tyre gjatë realizimit të Kursit të fitnesit fizik, duke i marrë si shembull për disiplinën e treguar dhe rezultatet e arritura. Programi i fitnesit fizik

për instruktor është përshtatur me nevojat e FSK-së dhe është duke funksionuar në mënyrë të shkëlqyeshme, falë punës së palodhshme të instruktorëve të FSK-së dhe mbështetjes së vazhdueshme të instruktorëve nga Mbretëria e Bashkuar. Kursin për instruktorë të fitnesit fizik e kanë përfunduar me sukses 20 pjesëmarrës nga të gjitha njësitë e FSK-së. Ata gjatë ceremonisë përmbyllëse demonstruan edhe disa nga njohuritë e fituara gjatë këtij kursi. Në fund u ndanë certifikata për kursantët dhe mirënjohje për më të dalluarit.

Varroset me nderime të larta ushtarake kapiteni i FSK-së, Sejdi Krasniqi



Në Landovicë të Prizrenit, 16 korrik 2018, u varros me nderime të larta ushtarake kapiten Sejdi Krasniqi, komandant i Kompanisë së Deminimit të Regjimentit të Mbrojtjes Civile të FSK-së, i cili të dielën, pas një sëmundje të rëndë ndërroi jetë. Për t'i dhënë lamtumirën e fundit kapiten Sejdi Krasniqi nga Ministria e FSK-së ishte sekretari i përgjithshëm Shkelzen Sylaj, komandanti i Forcave Tokësore gjeneral brigade Enver Cikaqi, gjeneralmajori Gëzim Hazrolli, gjeneral brigade Nazmi Brahimaj, gjeneral brigade Xhevahir Geci, gjeneral brigade Naim Haziri si dhe ofi-

danti i Forcave Tokësore gjenerali Enver Cikaqi. Ai në fillim i shprehu ngushëllime familjes, pjesëtarëve të FSK-së, shokëve dhe kolegëve dhe më pas foli për jetën dhe veprën e kapiten Krasniqit, duke thënë nder të tjera: „E nderuar familje e kapiten Sejdi Krasniqi, më lejoni që në emër të oficerëve, nënoficerëve dhe ushtarëve të FSK-së dhe të komandantit të FSK-së, gjenerallejtënant Rrahman Ramës të shpreh konsideratën time më të lartë për veprën e madhe dhe shumë të rëndësishme për vendin në përgjithësi dhe për institucionin e FSK-së, në veçanti të oficerit, të bashkëluftëtarit, të mikut tonë-komandant Sejdi Krasniqi. Ai rrjedhë nga një familje patriotike që i kishte dhënë vendit në periudha të ndryshme të historisë sonë shumë veprimtarë e luftëtarë. Kishte filluar aktivitetin e tij patriotik si i ri dhe duke vazhduar në etapa të ndryshme të jetës, në organizime të shumta patriotike duke kulmuar edhe me përfshirjen e tij në luftën e lavdishme të UÇK-së, përkatësisht në Brigadën 128 të Zonës Operative të Pashtrikut. Sejdi Krasniqi pas luftës vazhdoi aktivitetin e tij në ngritjen e institucionit shumë vitalë duke shërbyer në Zonën e Dytë të Mbrojtjes

ar. U përzgjedh si një prej oficerëve të veçantë nga Komanda e Stërvitjes dhe Doktrinës për të qenë komandant i Kompanisë së Deminimit dhe komandant i Kazermës në Prizren. Si komandant i kësaj njësie, e cila është e veçantë dhe shumë operacionale e FSK-së, u bë sinonim i suksesit dhe përkushtimit profesional e njerëzor me ushtarët e tij e me qytetarët e Prizrenit, dhe në këtë mënyrë prezantoi dhe mbrojti fuqishëm vlerat e një ushtaraku model të vendit tonë”. Në vazhdim të fjalës së tij, gjeneral Cikaqi foli gjerësisht për veprimtarinë, profesionalizmin, shkathhtësitë drejtuese prej eprori, aktivitetet e shumta, virtytet morale dhe njerëzore të kapiten Sejdi Krasniqit. Në fund të fjalës së tij, gjeneral Cikaqi, tha se kapiten Sejdi Krasniqi ka ofruar shumë në shërbim të vendit, FSK-së, andaj sot e kujtojmë si ushtar e mbrojtës të Lirisë, mik të veçantë, humanist dhe të palodhur në shërbim të vendit tonë”.

Ministri dhe Komandanti ngushillojnë familjen Krasniqi!

Ministri Rustem Berisha në telegramin e tij, dërguar familjes Krasniqi, shkruan: “E nderuar familje Krasniqi, Me keqardhje të thellë e mora lajmin për ndarjen e parakohshme nga jeta të kapiten Sejdi Krasniqit, komandant i Njësisë së Deminimit të Regjimentit të Mbrojtjes Civile të FSK-së dhe veteran i Ushtrisë Çlirimtare të Kosovës. Në këto momente të dhembjes e të pikëllimit më lejoni t’jua përcjellë ngushëllimet e mia të thella, në emrin tim personal dhe në emër të Ministrisë për Forcën e Sigurisë së Kosovës. Ai, do të kujtohet përherë për kontributin e tij të madh në luftën për liri të vendit, por edhe për kontributin e jashtëzakonshëm në misionin e tij për ta bërë Kosovën një vend më të sigurt për të jetuar. Andaj, duke ruajtur kujtimin dhe respektin e përhershëm për kapiten Sejdi Krasniqin dhe mbarë familjen e respektuar, më lejoni që



edhe një herë të ndaj dhimbjen me të gjithë ju”.

Po ashtu para të pranishmëve u lexua edhe telegrami i ngushëllimit për familjen Krasniqi dërguar nga Komandanti i FSK-së gjenerallejtënant Rrahman Rama. “E nderuara familja Krasniqi, Në pamundësi që të jem prezent në këtë ceremoni lamtumirëse për më të dashurin tuaj, ushtarin tim dhe Komandantin e Njësisë së Deminimit, ju shpreh ngushëllimet më të sinqerta familjes Krasniqi. Puna dhe kontributi i kapiten Sejdi Krasniqit në të gjitha periudhat, gjatë luftës, në Trupat Mbrojtëse të Kosovës dhe FSK janë mburrje jo vetëm për familjen por edhe farefisin. Ju si familje duhet të jeni krenarë me disiplinën, përkushtimin dhe dëshirën që kapiten Krasniqi kishte në shërbim të vendit. Në këto momente dëshiroj të përcjellë ngushëllimet e të gjithë pjesëtarëve të FSK-së, duke u zotuar që punën dhe kontributin e Kapiten Krasniqit dhe të gjeneratave të tjera do ta qojmë në fund. E nderuara familje Krasniqi, në këto momente dhembjeje, kërkoj nga ju që të gjeni forcë për t’i tejkaluar ditët e vështira. Puna vetëmohuese e kapiten Sejdi Krasniqit në drejtimin e Njësisë së Deminimit ishte shumë profesionale, dëshira e tij dhe shokëve tjerë të rënë për liri shumë shpejt do të kurorëzohen me transformimin e FSK-në në Forcë të Armatosura të Kosovës. Me respektin më

të thellë dhe përuljen time para punës së tij, më lejoni që edhe një herë t’ju shprehë ngushëllimet tona. Prehu në paqe dhe liri për të cilën luftove dhe veprime tërë jetën”.

Ndërsa, në emër të veteranëve të luftës të Prizrenit, foli sekretari i Organizatës së Veteranëve të Luftës së UÇK-së, Isa Berisha, kurse për jetën dhe veprimtarinë e kapiten Krasniqit, në emër të qytetarëve të Prizrenit, foli kryetari i Komunës Mytaher Haskuka. Në emër të familjes të gjithë të pranishmit i ka falënderuar Arbnor Sejdi Krasniqi.

Pas akademisë ceremonia është zhvendosur në Varrezat e Dëshmorëve të UÇK-së në Landovicë. Kapiten Sejdi Krasniqi, për në banesën e tij të fundit u përçoll nga Togu Ceremonial i FSK-së, pjesëtarë të Kompanisë së Deminimit, të FSK-së, kolegë të tij të shumtë dhe nga familjarë. Këtu para familjarëve, pjesëtarëve të FSK-së dhe shumë qytetarëve nga anë të ndryshme të vendit, fjalën lamtumirëse e ka mbajtur koloneli Shaip Haziri, komandant i Regjimentit të Mbrojtjes Civile, i cili vlerësoi lart përkushtimin, profesionalizmin dhe bashkëpunimin e mirë me kapiten Sejdi Krasniqin gjatë shërbimit të tij në FSK.

Në emër të bashkëluftëtarëve dhe të Brigadës 128 të UÇK-së, foli Orhan Bislimi. Ndërsa në përfundim të kësaj ceremonie varrimi, në emër të familjes Krasniqi foli vajza e të kapiten Krasniqit, Xheneta Krasniqi.



cerë dhe zyrtarë të lartë të FSK-së dhe MFSK-së.

Në akademinë përkujtimore ku ishin të pranishëm personalitete shtetërore, politike, ushtarake dhe qytetarë të shumtë, në emër të FSK-së, foli koman-

të TMK-së. Kanë qenë me qindra aktivitete të suksesshme në të cilat ai ishte pjesë. Në vitin 2009 ai vazhdoi shërbimin në FSK, me shëmbëlltërinë e tij prej një oficeri të sprovuar e me një personalitet shumë të formësuar